



A tū fedei, Signur, ne ven la vita nia tuta mo trasformada.

(prefaziun dla messa da Requiem)

La ploania á tut comié da **Paul Pedevilla** (d'La Munt, † 02.02.2025, 81 agn). Ai familiars vá nostes condolianzes por la mort dal om, pere, nene y fre. La vita eterna dáí, Signur, y confortele con to lominus. Al palsi tla pêsc.

○ **Radio de ploania:** al ven lascé alessei che an é finalmonter stés bogn da ciafé fora ciodi ch'an ne l'alda nia plü: en lõnesc vegnai a le meter a post.



Enformaziuns y termins

Oraziun a Oies: la proscima ora de oraziun tla stöa dla ciasa de Sant Ojöp a Oies, é en vendres, ai 14 de forá, ales 20:00. Düc é bel enviés.

Viadus tal Saltá: Cari geniturs, tla pröma edizium dal Saltá 2025 gnarál publiché les fotos dai pici y dles piceres nasciüs dal 2024. Sce i eis ligreza seise enviés da mené adalerch na fotografia a palfrader@rolmail.net, anter i 15 de forá. La foto dess ester de bona cualité, fata jö nia massa da dalunc, che an veighi bel le müs. Al é da scrí pormez l'ennom dal picio y ince l'ennom y cognom de entrami i geniturs. Lapró él da scrí pla mail: „I sun a öna che al vegni publiché la foto de (Ennom dal picio)“.

Le dotur Edo Agreiter lascia alessei che al é demez en lõnesc y dedõlõnesc ai 10 y 11 de forá (dõt le de) y le dedemesaledema ai 12 danmisdé. Domisdé él endõ. Al ven sostitüi dla doturia Mahlknecht, da ciafé al numer 349 0667034

Ma pa Dio su él mia anima co ciafa söa pêsc, *
da d'el ven mia speranza.

Salm 62

Dõt le bun a:		
Elisabetta Ploner Forer, <i>Bronech</i>		* 09.02.1941
Rosina Pedevilla, <i>Bornech</i>		* 09.02.1941
Heinrich Trebo, <i>Raiscia</i>		* 10.02.1944
Tone Erlacher		* 11.02.1930
Signor Heinrich Perathoner, <i>San Martin</i>		* 11.02.1941
Konrad Ellemunter, <i>Kaltern</i>		* 11.02.1942
Adolf Willeit		* 11.02.1944
Eduard Rovara		* 12.02.1936
Maria Rubatscher Feichter		* 15.02.1944
y a düc chi co á santennom y compless i agn cõst'edema		

Impressum: Ploania d'La Pli; redaziun Franz Rigo, Roman Frontull, Manuela Runggaldier
Comunicaziuns: **cina le dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ kisottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

09.02.2025 - 5. domegna ia por l'ann

n. 11

Gnide do a me!

I fajará fora de os pesciadus de jont. Alleluia!

(aclamaziun dan le Vangelo)

📖 **Is 6, 1–2a.3–8 | 1 Cor 15, 1–11 | Lc 5, 1–11**

Öna na vocaziun che Chel Bel Dio á conzedü ala jont é dessogü chera dla vocaziun dal profet Isaia. Le profet veiga dan da d'el la santité dla maiesté de Dio y tal medemo momont söa debleza y meseria. Aldedaencö ti é a trec jüda pordüda la coscionza dla santité de Chel Bel Dio y ne sá nia plü ci che picé ó dí. Chi co ponsa con reveronza a ché che Chel Bel Dio é veramonter, é bogn da capí plü saorí söa gran bunté y misericordia y é ince bogn, desco Isaia, da dí de sciö ala vocaziun co i cherda a le sorví (1^a letöra). San Paul s'á ben dé da fá, plü co en ater, da encündé le Vangelo de Gejú Crist, mo el dá pro che ci che el é, él ma gnü con la grazia dal ci (2^a letöra). Canche Gejú á motü man söa vita publica, s'ál belo cherí fora chi co dea donté anunziadus de söa bona noela, gní so pesciadú de jont (Vangelo). Sc'an conscidra dõt ci co é gnü fat de ben tla storia dla Dlijia, mo ince les manciances, n'él nia da se fá morveia che Gejú a cherí fora colaoradus ince con defec y deblezes. Mo al ti á ince garantí che söes pordiches portará bun früt, desco pal miraco dai pesc. da "Bibia di Sandís"

Dal Vangelo do San Lúca:

[...] ⁴Canch'al á roé söa pordica, ti ál dit a Sciomun: Vá fora alalera! Danló sciürede ostes reis por la pescia! ⁵Sciomun ti á respognü: Maester, i án laoré dõta la net y i n'án pié nia. Mo sön töa parora sciürarái fora les reis. ⁶Cösc ái fat, y ai á pié n te' gröm de pesc, che söes reis manaciá da se scarzé. ⁷Porchel ti ái fat segno ai compagns tal'atra barca, ch'ai gness y i daidass. Ai é gnüs, y deboriada ái emplí entrames les barches cina al ur, ch'ares manaciá da jí sot. ⁸Canche Sciomun Pire á odü cösc, s'ál peté jö dan i pîsc de Gejú y á dit: Signur, va demez da me; i sun n piciadú. ⁹Deache el y düc sü compagns ea restés emprescionés y spordüs da odei tan de pesc ch'ai á pié; ¹⁰avisa ensciö ti éra ince jüda a laco y a Jan, ai fis de Zebedeus, co laurá deboriada con Sciomun. Spo ti á Gejú dit a Sciomun: No te teme! Da sen ennant piaraste jont. ¹¹Y ai á trat les barches sön spona, á lascé endõ dõt cant y ti é jüs do.



Gejú é jü tla barca, co ea de Sciomun, y l'á perié de jí n toch dancierá dala tera. Spo ti ensignál ala jont dala barca enfora.

Lc 5, 3

📖 **Letöres dla 6. domegna ia por l'ann:**
ler 17, 5–8 | 1 Cor 15, 12.16–20 | Lc 6, 17.20–26

Edema liturgica dai 09.02. ai 16.02.2025

DOM 09.	5. domegna ia por l'ann <i>Apolonia, Alexia, Anna Katharina</i>
08:15	gran messa por dōta la ploania oferta por la ploania 3^a s.m. de sopoltōra por † Jan Ellemunter, dal Pinter s.m. por † Jep y Susanna Mühlmann s.m. por † Rosa Castlunger Obkircher s.m. por †† Maria y Regina Terrabona, dal Foltn → corona dla comunité por † Jan Ellemunter
10:00	<i>gran messa a Al Plan</i>
Lön 10.	<i>Scolastica, Wilhelm</i>
19:00	s.m. por fam. Georg y Caroline Rigo, Alnei s.m. d'aniversar por † Jep Rigo, Rara s.m. por †† Maria y Paola Vollmann, San Laronz
Ded 11.	memoria de Santa Maria da Lourdes - de mondial dai amarés , Anselm
07:30	<i>s.m. a Antermeia</i>
Dem 12.	<i>Gregor II, Benedet</i>
Jöb 13.	<i>Adolf, Gisela</i>
07:30	<i>s.m. a Rina</i>
Ven 14.	fešta dai Sanc Ziril y Metode (patrons d'Europa), Valentin
07:30	<i>s.m. a Al Plan</i>
Sab 15.	<i>Sabeda de Santa Maria Siegfried</i>
07:30	2^a s.m. de sopoltōra por † Paul Pedevilla, d'La Munt s.m. d'aniversar por † Jep Lanz, dal Pico s.m. d'aniversar por † Stase Terza, André
18:00	<i>s.m. prefestia a Al Plan</i>
DOM 16.	6. domegna ia por l'ann i recordun i tomés y pordüs te vera <i>luliana</i>
08:15	gran messa por dōta la ploania y por düc i tomés y pordüs te vera s.m. en onú de Santa Maria por na familia oferta por la ploania s.m. de rengraziamont s.m. por † Vitoria Pedevilla Ellecosta
→	comemoraziun dai tomés dan dlijia dai osc
10:00	<i>gran messa a Al Plan</i>
<i>ampola:</i>	por † Paul Pedevilla
<i>ministronc:</i>	• lönesc y sabeda: Giulia y Mattia • domegna: Timea y Nicole, Jonas y Jacklyn
<i>i recordun:</i>	Rosa Baldissera Radonski, Berlin † 11.02.2019 Agnes Terza † 12.02.2021



Na rei co arjunj i cörs

I ponsi do

*La parora de Gejú n'é nia na empormetüda öta.
Ara supereia vigne dificolté umana y ara é l'unico stromont por realisé na misciun co pö zonza speranza.
Pire l'ascuta sö, al se fida, lascia döt y fej ci che Gejú dij. Y cösc é ci co ti ven damané a vigne discepul y porchel ince a me y a te: afronté les dificoltés, meter da na pert vigne dübe y ti jí do con convinziun a Gejú.*

I preii ensciö

Al ea ma de bogn peiapesc, ince sce ai n'á pié dōta net nia. Ai ea esperc da sciüré fora les reis y ai á mans leries da partí i pesc.
Spo cōsta encuntada con na porsona empü demorveia, na usc, n comando tan "mat".
Tan de dubi y n su ponsier: „Al é pa empó döt por nia, ... jí zoruch sön le le ... de dé ...?“
Mo les reis ven plenes y ince la barca, y ciamó plü plen é sen le cör: de ligreza.
„Da sen ennant jareise a „pié“ cörs, a sciüré fora reis de fidonza y speranza“.
I orun te gní do, Signur Gejú, i sun arjignés a sonté sö con te sön la barca dla Dlijia y jí fora sön i mers co aspeta amur.

Walter Cazzaniga, Parola amica – Il Vangelo della domenica per ragazzi




Oraziun por le 33° De mondial dai amarés ai 11 de forá

Bel Dio, Pere dla vita, ensegnesse co che la soferonza pó donté en post olá ch'i podun sontí ci che speranza ó dí.

Signur Gejú Crist, tö as orü tö pert ala soferonza dla jont. Renoveia nosc amur y fá jí sö sora de nos la stera dla speranza.

Spirit consoladú, renforza te nos la speranza y stái dlungia a chi co patesc y se sont susc. Ensegnesse da patí con y por nosc proscimo.

Santa Trinité ensegnesse da creie, da speré y da orei bun desco Maria, nosta oma. Amen.



Bibia por mituns

domegna	letōra	Bibia por mituns
16.02.	Vangelo	Lüca 6, 17.20–26
		Ralegresse, os püri!, pl. 207